

վարչական տույժ նշանակելու մասին

«09» ապրիլի 2021թ.

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետի ժ/թ Դավիթ Բեգինյանս, քննելով «ԷՍՎԵ ՏՐԱՆՍԷՔՍՊՈՐՏ» ՍՊԸ-ի /ՀՎՀՀ՝ 02250963/ մաքսային միջնորդ Վաչագան Ռաֆիկի Հովհաննիսյանի (ՀՀ, ք. Երևան, Բագրատունյաց 162., բն. 111, ն/ք 002877595) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2021թ. մարտի 3-ին «Դարլինգ» ՍՊԸ անվամբ լրացվել է թիվ 05100033/030321/0005799 տարանցման հայտարարագիր: Հայտարարագրի 2-րդ «Ուղարկող» դաշտը ֆիզիկական անձի տվյալները լրացվել է սխալ:

Փաստի առթիվ Արևելյան մաքսատուն-վարչության Բագրատաշենի մաքսային կետ-բաժնի 2-րդ բաժանմունքի գլխավոր մաքսային տեսուչի կողմից 03.03.2021թ-ին ԷՍՎԵ ՏՐԱՆՍԷՔՍՊՈՐՏ» ՍՊԸ-ի մաքսային միջնորդ Վաչագան Հովհաննիսյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով: Նշանակվել է գործի քննություն 19.03.2021 ժամը 11:00-ին: Գործի քննությունը տեղափոխվել և նշանակվել է 09.04.2021թ. ժամը 10:00-ին, որի վերաբերյալ քաղաքացին պատշաճ ծանուցվել է: Վ.Հովհաննիսյանը դիմում է ուղարկել ԱՄՎ պաշտոնական էլեկտրոնային փոստի հասցեին, որով խնդրել է գործի քննությունը անցկացնել իր բացակայությամբ, ուստի ՀՀ ՄՕ 219 հոդվածի ուժով լուծմանն անցկացվեցին վերջինիս բացակայությամբ:

Գործի նյութերի ուսումնասիրության ընթացքում պարզվել է, որ «Դարլինգ» ՍՊԸ անվամբ թիվ 05100033/030321/0005799 տարանցման հայտարարագրով ձևակերպվել է 1 անուն բեռ: Տարանցման հայտարարագրի 2-րդ «Ուղարկող» դաշտը ֆիզիկական անձի

տվյալները լրացվել է սխալ՝ քաղաքացի Օհաննես Գևորգյանի տվյալների փոխարեն նշվել է քաղաքացի Արեստակ Պետրոսյանի տվյալները:

Նշված հայտարարագրում ոչ ճշգրիտ տեղեկություններ ներկայացնելը չի առաջացրել մաքսային վճարների պակաս հաշվարկում կամ չհաշվարկում:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաեւ մաքսային ներկայացուցչին անվավեր, այդթվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի

107-րդ հոդվածով սահմանվում են տարանցման հայտարարագրում նշման ենթակա տեղեկությունները: Սույն հոդվածի 1-ին մասի 1-ին կետի համաձայն՝ հայտարարագրում նշվում են տեղեկություններ նաև ապրանքներն ուղարկողի և ստացողի մասին՝ տրանսպորտային (փոխադրման) փաստաթղթերին համապատասխան, հայտարարատուի, փոխադրողի մասին:

Օրենսգրքի 401-րդ հոդվածի 1-ին և 2-րդ մասերի համաձայն՝ մաքսային ներկայացուցիչը հայտարարատուի կամ այլ շահագրգիռ անձ անցանունից և նրանց հանձնարարությամբ իրականացնում է մաքսային գործառնություններ այն անդամ պետության տարածքում, որի մաքսային մարմնի կողմից նա ընդգրկվել է մաքսային ներկայացուցիչների ռեեստրում՝ մաքսային կարգավորման ոլորտի միջազգային պայմանագրերին և ակտերին համապատասխան, մաքսային ներկայացուցչի հարաբերությունները հայտարարատուների կամ այլ շահագրգիռ անձանց հետ ձևավորվում են պայմանագրային հիմքի վրա:

Օրենսգրքի 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզուշտորեն խախտելու համար ենթակա են

պատասխանատվության: Սույն դեպքով հայտարարտուի անունից հայտարարագիրը լրացրել է Վաչագան Հովհաննիսյանը:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50.000 դրամի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով Վաչագան Հովհաննիսյանի արարքում առկա է 17.12.2014թ. ՀՕ-241-Ն <<Մաքսային կարգավորման մասին>> օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ 203 հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 1-ին մասի հատկանիշներով նախատեսված մաքսային կանոնների խախտում կատարելու համար Վաչագան Հովհաննիսյանին ենթարկել վարչական պատասխանատվության՝ տուգանելով **50000** ՀՀ դրամի չափով:
2. Որոշման մասին հայտնել Վաչագան Հովհաննիսյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական

դատարան՝ ՀՀ վարչական դատավարության օրենսգրքով սահմանված կարգով՝
երկամսյա ժամկետում:

Սույն որոշմամբ նշանակված տուգանքի վճարման հաշվեհաճարն է. 900005024055 (ՀՀ պետական բյուջե,
կենտրոնական գանձապետարան, Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏԻ Ժ/Պ



Դ. ԲԵԳԻՆՅԱՆ